

Դեհնպետն մեծ Տիւրրի Ձատէ, Նախարարք և այլք: Բայց յայնժամ ոչ լուծաւ խնդիրն և ոչ բարձաւ խռովութիւնն երկուց ազգաց: Եւ յերկրորդում նուագի կազմեցաւ ժողով մեծ 'ի Դեհնպետութեան Օմար Խուլիսի Էֆէնաեայ, յորում էին մեծամեծք Տէրութեանն, դասք գիտնակաւնաց, և Երեսփոխանք Հայոց և Յունաց, յառաջ բերեալ զհրովարտակն Սէլիմայ Արքայի: որպէս Յոյնք զլաշնագիրն Օմարայ: Արդ՝ երկուքին հրովարտակքն Սէլիմայ, տուեալ Հայոց և Յունաց, հիմն ընտրեցան, յորս բացայայտ գրեալ են երկուց ազգաց ըստ օրինաց խրեանց՝ ընկերութեամբ կատարել զուխտս 'ի տաճարին Ս. Յարութեան, սրայմանաւ առաջնութեան Պատրիարքին Յունաց և արտաքոյ նորին եղեալ տեղեաց, որոց անուանքն եւս բացորոշ գրեալ են 'ի նոյն հրովարտակն, առանց կռուոց անկախութեամբ տիրել: երկաքանչիւր ազգք 'ի ժողովին ընկալան զհրովարտակս միմեանց: Մին 'ի խնդրոց խռութեան էր սեփհական տեղիքն 'ի Ս. Յարութիւն, որք դարձեալ յակնէ յանուանէ բացայայտ գրեալ են 'ի հրովարտակս երկաքանչիւրոց, որք եւ հաճեցան անկախութեամբ տիրել սեփհական բնակութեանց խրեանց, որպէս տիրեալ են 'ի ժամանակս Սէլիմայ և անդր: Եւ երկրորդ խնդիրն էր Հապէշք, Ղաթիք և Ասորիք, որք 'ի սկզբանէ անտի սահմանեալ են լինիլ համազգային և հետեւող ազգին Հայոց, և Յոյնք ընդդէմ Կայսերական հրամանի հակառակեալ՝ թէ մեզ են հետեւողք: Սոքա բացակայ դուով 'ի ժողովոյն՝ ծանուցաւ երկուց ազգաց, գրել առ Դատաւորն Երուսաղէմի քննել անդ և ստուգել, զի որպէս էին նոքա յառաջագոյն, այնպէս եղիցին և առ յապոյն: Եւ վերջինն 'ի խնդրոց՝ բաժանորդ և սեփհական տեղիքն 'ի Ս. Յարութիւն, որ նախ քան զայս հրդեհեալ էր, զբաժանորդ տեղիսն՝ ընկերութեամբ, և զսեփհական տեղիս անկախութեամբ շինել և նորոգել: Սակայն չունի ոք իրաւունս միջամուխ լինիլ 'ի խնդիրս շինութեան, զի այն պատկանի միայն Կայսերական մեծութեանս: զի ըստ ներեւրելոյ Շէրիի օրինաց համաձայն՝ առաջին ձեւոյն, առ որ կամիմ 'ի հարատակաց Տէրութեանս՝ նմա յանձն առնեմ զայն: վասն այսր չունի ոք իրաւունս ամբաստան լինելոյ: